

《瑜伽師地論》卷 42

本地分中菩薩地第十五 初持瑜伽處 戒品第十之三

第二項 依門隨解 (別解九相)

上厚下觀院長指導

第三目 難行戒

釋圓志 敬編

(披尋記：冊 2，頁 1409~1417；大正藏：冊 30，521c23)

2005/02/26

(「難行」(*duṣkara*)，*duṣ*表示困難的，*kara* 是踐行，*duṣkara* 指艱難的實踐之意。)

云何菩薩難行戒？

當知此戒，略有三種。

(一) 棄捨增上

謂諸(522a)菩薩現在具足大財、大族自在增上，棄捨如是大財、大族自在增上，受持菩薩淨戒律儀，是名菩薩第一難行戒。

(二) 於難無虧

又諸菩薩受淨戒已，若遭急難乃至失命，於所受戒尚無少缺¹，何況全犯！是名菩薩第二難行戒。

(三) 恒無失念

又諸菩薩如是如是遍於一切行住(坐臥如理)作意，恒住正念，常無放逸，乃至命終於所受戒無有誤失，尚不犯輕，何況犯重！是名菩薩第三難行戒。

第四目 一切門戒

(披尋記：冊 2，頁 1409；大正藏：冊 30，522a)

(「一切門」(*sarvatomukha*)，*sarvatah* 指一切方面，「門」(*mukha*)是入門途徑，即所有入門的類別。)

云何菩薩一切門戒？

當知此戒，略有四種：

一者、正受戒，二者、本性戒，三者、串習戒，四者、方便相應戒。

(一) 正受戒

正受戒者，謂諸菩薩受先所受三種菩薩淨戒律儀，即律儀戒、攝善法戒、饒益有情戒。

(二) 本性戒

本性戒者，謂諸菩薩住(無始世展轉傳來的菩薩本性住)種性位(而未趣入佛道)，本性仁賢，於相續(所依身)中身、語二業恒清淨轉。²

¹ 少缺 = 缺漏【聖】(大正 30，522a，n5)

² 《披尋記》(二) p.1410：「本性戒等者：謂諸菩薩六處殊勝，有如是相從無始世展轉傳來法爾所得，是名本性住種性。於此位中雖未串習三種淨戒，然性仁慈於諸有情不極損惱；又性賢善於同法者易可方

（三）串習戒

串習戒者，謂諸菩薩昔餘生中，曾串修習(習所成種性)如先所說(曾不斷受菩薩戒)三種淨戒，由宿因力(過去世熏習持戒而有堅固的道力)所住持故，於現在世一切惡法不樂現行，於諸惡法深心厭離；樂修善行，於善行中深心欣慕。

（四）方便相應戒

方便相應戒者，謂諸菩薩依四攝事，於諸有情身、語善業恒相續轉。³

第五目 善士戒

(披尋記：冊 2，頁 1410；大正藏：冊 30，522a)

(「善士」(satpuruṣa)，sat 即善，puruṣa 是人，satpuruṣa 乃善人的意思，論述菩薩善士實踐波羅蜜多時所應行之情況。)

云何菩薩善士(善知識)戒？

當知此戒略有五種。

謂諸菩薩 1)自具尸羅(三種淨戒)，2)勸他受(菩薩)戒，3)讚(菩薩)戒功德，4)見同法者(共同修學菩薩道的人)深心歡喜，5)設有毀犯如法悔除。

第六目 一切種戒

(披尋記：冊 2，頁 1410；大正藏：冊 30，522a)

(「一切種」(sarvākāra)，sarva 即一切，ākāra 是行、活動、種類等意思，依十三種類包涵一切實踐行為。)

云何菩薩一切種戒？

當知此戒以要言之，六種、七種，總十三種。

（一）六種

言六種者：

一、迴向戒，迴向大菩提故；

二、廣博戒，廣攝一切所學處故；

三、無罪歡喜處戒，遠離耽著欲樂、自苦二邊行故；⁴

四、恒常戒，雖盡壽命亦不棄(522b)捨所學處故；

五、堅固戒，一切利養恭敬、他論(外道異論)、本隨煩惱(根本煩惱、隨煩惱)不能伏故、不能奪故；⁵

住，是名本性仁賢。約所依身，名為相續，從無始來流轉不息故。此說菩薩戒波羅蜜多種性相，如其所說，當知身語二業恒清淨轉。」

³ 《披尋記》(二) p.1410：「方便相應戒等者：約四攝事，說名方便。此復有四：一、隨攝方便，二、能攝方便，三、令人方便，四、隨轉方便。方便所攝身語意業，於諸有情能正攝受調伏成熟；由是故名方便相應戒。如〈力種性品〉說。(陵本三十八卷二十二頁)(大正 30，504c20~25)」

⁴ 《披尋記》(二) p.1411：「三、無罪歡喜處戒等者：遠離耽著歡樂行邊，由是得名無罪處戒；遠離受用自苦行邊，由是得名歡喜處戒。」

⁵ 《披尋記》(二) p.1411：「五、堅固戒等者：謂此淨戒不為一切之所摧伏，不為一切之所引奪，名堅固

六、尸羅莊嚴具相應戒，具足一切戒莊嚴(以戒來莊嚴自己的身相、身語意三業)故，尸羅莊嚴如〈聲聞地〉⁶應知其相。

(二) 七種

言七種者：

- 一、止息戒(止持)，遠離一切殺生等故；
- 二、轉作戒(作持)，攝一切善故、饒益有情故；
- 三、防護戒，隨護止息、轉作戒故；
- 四、大士相異熟戒(如〈菩薩地·自他利品〉所說的壽量具足、形色具足、族姓具足、自在具足、信言具足、大勢具足、人性具足、大力具足。)；⁷
- 五、增上心(定)異熟戒(持戒清淨就會成就禪定)；⁸
- 六、可愛趣異熟戒(人天可愛果報的功德)；⁹
- 七、利(樂)有情異熟戒。

第七目 遂求戒

(披尋記：冊 2，頁 1413；大正藏：冊 30，522b)

(「遂求」(vighātārthika)，vighāta (destruction, want of success)含有「破除」及「希求成就」的意思，arthika 則是有關於目的。《菩薩地持經》選取「破除」之意，故譯作「除惱」，《菩薩善戒經》亦譯作「除」，而玄奘法師則取「希求成就」之意，綜言之，菩薩行應消除眾生的苦惱及順遂他人所求。)

云何菩薩遂求戒？

當知此戒，略有八種。

(一) 舉於自所

戒。言一切者，略有三種：謂一切利養恭敬、一切外道異論、一切本隨煩惱。由堅力持，說不能伏；由具勝解，說不能奪。」

⁶ 《瑜伽師地論》卷 22 (大正 30，404c15~17)：「有處世尊宣說尸羅名莊嚴具。如伽他說：『苾芻苾芻尼，戒莊嚴圓滿，於不善能捨，於善能修習。』」；《瑜伽師地論》卷 22 (大正 30，405a7~16)：「如是尸羅如前廣說。問：何緣世尊宣說尸羅名莊嚴具？答：諸餘世間耳環、指環、腕釧、臂釧及以寶印、金、銀、鬘等妙莊嚴具。若有成就幼稚黑髮少年，盛壯姝妙形色而服飾之！少增妙好非有成就，朽老衰邁齒落髮白，年逾八十或九十者，而服飾之當有妙好，唯除俳戲令眾歡笑，若遭病苦、財貨匱乏、親戚喪亡，當爾服之亦無妙好。戒莊嚴具於一切類、於一切時，若有服者皆為妙好，是故尸羅名莊嚴具。」

⁷ 《披尋記》(二) p.1412：「四、大士相異熟戒者：即大士相名為異熟。此略有八：一者壽量具足、二者形色具足、三者族姓具足、四者自在具足、五者信言具足、六者大勢具足、七者人性具足、八者大力具足，如〈自他利品〉釋。(陵本三十六卷一頁) (大正 30，484b10~15)由戒是此異熟之因，是故名大士相異熟戒。」

⁸ 《披尋記》(二) p.1412：「五、增上心異熟戒者：由於尸羅善清淨故，便無憂悔；無憂悔故，歡喜安樂；由有樂故，心得安定，由是得名增上心異熟戒。」

⁹ 《披尋記》(二) p.1412：「六、可愛趣異熟戒者：謂由此戒增上力故，唯於可愛趣中受增上生，若在凡地，即於人中生剎帝利大富貴家，若婆羅門大富貴家，若諸長者大富貴家，若生所餘豪貴大富多諸財穀庫藏等家，乃至能生天趣所當生處。若已入地，始從第一極歡喜住乃至第十最上成滿諸菩薩住，如其所應差別受生，如〈住品〉中廣釋。(陵本四十八卷)由是得名可愛趣異熟戒。」(大正 30，563b6~19)

謂諸菩薩自諦(自己仔細地)思惟。

〔二〕利於他所

- 1) 如我怖求勿彼於我現行斷命，
- 2) 不與而取，
- 3) 穢欲邪行，
- 4) 虛妄、
- 5) 離間、
- 6) 麤惡、
- 7) 綺語、
- 8) 手塊杖等諸非愛觸(境界觸對)¹⁰加害於我。

我求是已，他若相違(違背我的心願)而現行(加害)者，我求不遂，我意不悅。

如我怖求，他亦如是(怖求)，勿我於彼現行斷命，廣說乃至惡觸加害；彼求是已，我若相違而現行者，彼求不遂、彼意不悅。

我之所作若有令他所求不遂意、不悅者，何現行為(為什麼要現起這樣損害有情的行為)？

菩薩如是審思惟已，命難因緣亦不於他現行八種所求不遂、不悅意事。

如是八種說名菩薩遂求戒。

第八目 此世他世樂戒

(披尋記：冊 2，頁 1413；大正藏：冊 30，522b)

(「此世他世樂」(ihāmutra-sukhaṃ)，略名「二世樂」，iha 是現在，amutra 是未來，sukhaṃ 是快樂，因此，ihāmutra-sukhaṃ 意思是為現在及未來世帶來廣大利益福樂。)

云何菩薩此世、他世樂戒？

當知此戒略有九種。

〔一〕四種

謂諸菩薩為諸有情，

- 1) 於應遮處(pratiśedhe；restraint、不允許)而正遮止(不作惡法)，
- 2) 於應開處(anujñāne；approval、允許)而正開許(應作善法)，
- 3) 是諸有情應攝受(引導)者正攝受之¹¹，
- 4) 應調伏(呵責、驅擯)者正調伏之，

菩薩於中身、語二業常清淨轉，是則名為四種淨戒。

〔二〕五種

復有所餘

¹⁰ 《披尋記》(二) p.1412：「諸非愛觸，略有八種：謂手觸觸、塊觸觸、杖觸觸、刀觸觸、冷觸觸、軟觸觸、飢觸觸、渴觸觸。如〈意地〉說(陵本三卷十四頁)(大正 30，293b27~29)

¹¹ 《披尋記》(二) p.1413：「菩薩見已，應正遮止，遮止或正開許。若諸菩薩於諸有情增上攝受、或攝取攝受，彼諸有情如其所應說名應攝受者。〈攝受品〉中廣釋其相。(陵本四十八卷二十六頁)(大正 30，563c9~29)」

- 5) 施(廣修供養、不偷盜等)、
 - 6) 忍(不報他怨、他人侵犯能速受謝等)、
 - 7) 精進(不樂睡眠、不說世事等)、
 - 8) 靜慮(請善知識教授住心方便、棄捨蓋纏、不貪味靜慮等)、
 - 9) 般若(通達大小乘經律論，不解大乘甚深義而不毀謗、時時聞說正法論議決擇、不輕慢說法師等)波羅蜜多俱行淨戒，則為五種。
- 總說名為九種淨戒。

如是菩薩所有淨戒，能令自他現法、後法皆得安樂，是故說名菩薩此世、他世樂戒(522c)。

第九目 清淨戒

(披尋記：冊 2，頁 1414；大正藏：冊 30，522c)

(「清淨」(viśuddha, completely cleansed、purified)，vi 表示完全；śuddha 意指純淨、淨化等義，viśuddha 是完全地淨化，指菩薩修行時應離諸過失，對治煩惱垢染而得清淨。)

云何菩薩清淨戒？

當知此戒略有十種。

一者、初善受戒，唯為沙門三菩提(sambodhi；為求圓滿覺悟而出家)故，非為(活)命故。

二者、不太(昏)沈戒，於違犯時，遠離微薄生悔愧故(應發起猛利的厭惡所作)，及不太(掉)舉戒，遠離非處生悔愧(實不犯戒而輒生悔愧)故。¹²

三者、離懈怠戒，於睡眠樂、倚樂、臥樂不耽著故，晝夜勤修諸善品故。

四者、離諸放逸所攝受戒，修習¹³如前所說五支不放逸故(前際俱行不放逸行；後際俱行不放逸行；中際俱行不放逸行；先時所作不放逸行；俱時隨行不放逸行)。¹⁴

五者、正願戒，遠離利養恭敬貪故，不願生天而(為求成就無上菩提而受持菩薩戒)自要期(許)修梵行故。

¹² 《披尋記》(二) p.1414：「不太沈戒、不太舉戒等者：沈謂昏沈；舉謂掉舉。由昏沈故，順生煩惱壞斷加行。由掉舉故，起惡尋思心生躁擾。由戒加行，善修治心遠離昏掉；是故得名不太沈戒、不太舉戒。謂有毀犯速能還淨，發起猛利惡作及慚愧故；於犯不犯能正了知，不於非處生惡作及慚愧故。」；《瑜伽論記》卷 10 (大正 42，541a10~15)：「言不太沈及不太舉者：由太沈故違犯於戒，設生慚愧亦復微薄，今遠離之。由太舉故非應悔處而生悔愧故今亦遠離；秦云，不太沈舉者，菩薩若犯戒時，起增上慚愧也，又有人實不犯戒輒生悔愧名非處悔愧，是大舉心菩薩亦離也。」

¹³ 修習=習脩【聖】(大正 30，522d，n11)

¹⁴ 《瑜伽師地論》卷 17 (大正 30，368c7~11)：「『應發勤精進，常堅固勇猛，恒修不放逸，五支善安住』者，此頌顯示：由被甲、方便、無退精進故，修習五支不放逸故，令所修學清淨殊勝。五支不放逸者，謂去、來、今、先時所作及俱所行。」；《瑜伽師地論》卷 40 (本地分) (大正 30，512a19~b6)：又諸菩薩住律儀戒，具足成就五支所攝不放逸行：一、前際俱行不放逸行；二、後際俱行不放逸行；三、中際俱行不放逸行；四、先時所作不放逸行；五、俱時隨行不放逸行。謂諸菩薩於菩薩學正修學時，^[1]若於過去已所違犯如法悔除，是名菩薩前際俱行不放逸行；^[2]若於未來當所違犯如法悔除，是名菩薩後際俱行不放逸行；^[3]若於現在正所違犯如法悔除，是名菩薩中際俱行不放逸行；^[4]若諸菩薩先於後時當所違犯發起猛利自誓欲樂，謂我定當如如所應行、如如所應住，如是如是行、如是如是住，令無所犯。是名菩薩先時所作不放逸行；^[5]若諸菩薩即以如是先時所作不放逸行為所依止，如如行所應行、如如所應住，如是如是行、如是如是住，不起毀犯，是名菩薩俱時隨行不放逸行。

六者、軌則(行、住、坐、臥威儀)具足所攝受戒¹⁵，於諸威儀所作眾事善品加行妙善圓滿，如法身、語正現行故。

七者、淨命具足所攝受戒，離矯詐¹⁶(遠離詐現威儀、自說功德、占相吉凶、高聲現威、以利求利等不如法)等一切邪命過失法故。

八者、離二邊戒，遠離受用欲樂、自苦二邊法故。

九者、永出離戒，遠離一切外道見故。

十者、於先所受無損失戒，於先所受菩薩淨戒，無缺減故，無破壞故。

如是十種，是名菩薩清淨戒。¹⁷

第三項 戒勝利

(披尋記：冊 2，頁 1416；大正藏：冊 30，522c)

壹、攝受當果

如是菩薩尸羅藏，能起當來大菩提果，謂依此故菩薩淨戒波羅蜜多得圓滿已，現證無上正等菩提。

貳、常獲五利

乃至未證無上菩提，依此無量菩薩戒藏正勤修習，常能獲得五種勝利：

一者、常為十方諸佛護念，

二者、將捨命時住大歡喜(必定是增上生，當生善趣，不往惡趣)，

三者、身壞已後在在所生，常與淨戒若等、若增諸菩薩眾，為其同分為同法侶¹⁸、為善知識，

四者、成就無量大功德藏，能滿淨戒波羅蜜多，

五者、現法、後法常得成就自性淨戒，戒成其性¹⁹。

第四項 戒所作

(披尋記：冊 2，頁 1417；大正藏：冊 30，522c)

壹、略標列

如是如上所說：一切自性戒等九種尸羅，當知三種淨戒所攝，謂律儀戒、攝善法戒、饒益有情戒。²⁰

¹⁵ 《披尋記》(二) p.1415：「軌則具足所攝受戒等者；此中軌則略有三種；謂於威儀路，或於所作事，或於善品加行處所，是即律儀戒中軌則圓滿。如〈聲聞地〉說。(陵本二十二卷三頁)(大正 30，402b2~5)」

¹⁶ 【矯詐】：虛偽詭詐。(《漢語大詞典》第 7 卷，p.1548)

¹⁷ 《披尋記》(二) p.1416：「如是十種名菩薩清淨戒者，〈聲聞地〉說：尸羅律儀由十因緣，當知虧損。即此相違十因緣故，當知圓滿。云何十種虧損因緣？一者最初惡受尸羅律儀，二者太極沈下，三者太極浮散，四者放逸懈怠，五者發起邪願，六者軌則虧損所攝，七者淨命虧損所攝，八者墮在二邊，九者不能出離，十者所受失壞。(陵本二十二卷八頁)(大正 30，522c1~18)今此十種文義正同；唯二、三、四開合有異，如文易了，當知此與聲聞共學，是故亦名菩薩清淨戒。」

¹⁸ 《披尋記》(二) p.1416：「常與淨戒若等若增菩薩眾等者：等，謂平等，無勝劣故。增謂增上，即勝異名。同勤修學菩提資糧，說明同分，同修六種波羅蜜多，名同法侶。」

¹⁹ 《披尋記》(二) p.1416：「若入第二增上戒住，於此住中性戒具足；極少邪惡業道所攝諸惡犯戒尚不現行，況中上品，是名戒成其性。」

²⁰ 《瑜伽師地論》卷 40〈戒品第十之一〉(大正 30，511a12~514b13)

貳、舉要義

如(523a)是三種菩薩淨戒，以要言之，能為菩薩三所作事，謂律儀戒能安住其心，攝善法戒能成熟自佛法(自己的佛法的功德)，饒益有情戒能成熟有情。

參、攝一切

如是總攝一切菩薩所應作事，所謂欲令現法樂住安住其心，身心無倦，成熟佛法、成熟有情。

第五項 總結

(披尋記：冊 2，頁 1417；大正藏：冊 30，523a)

壹、顯唯爾所

如是菩薩唯有爾所菩薩淨戒，唯有爾所淨戒勝利，唯有爾所淨戒所作，除此無有、若過、若增。

貳、明一切共

過去菩薩求大菩提已於中學，未來菩薩求大菩提當於中學，普於十方無邊無際諸世界中，現在菩薩求大菩提今於中學。